

同治上海縣志

卷二十四  
列女上

同治上海縣志卷二十四

列女傳上

自劉子政勅列女傳范氏以之入史遂爲史家不易之例郡縣志因之上海一僻縣乃自元明至

國朝以節烈著者至三千餘人之多而前志外得諸采訪者尤多是有故焉閭閻刺草之家因窮餓改節者十居八九上海各善堂則以卹嫠爲首務其歿也子若孫無力請旌由地方紳士援據事實彙總詳題所以矜全而獎勸之者存亡一致家賦柏舟之章人勵巴婦之志固其宜也至邇年遇賊捐軀所遭爲不幸矣然奉

旨旌卹不以年例拘載筆者惡得以其多而削之惟賢媛才女代不數人照前志錄之間增一二不敢妄援煒管也志列

女

節婦

費氏華亭陶某妻名元徽都漕萬戶雄女年未三十喪夫將營墓泣命兩其竈曰吾不卽死者以有翁姑弱女耳時家世艱虞勤紡織以供甘旨始終一節二書逾八旬吳東范公亮爲

撰節婦傳

朱道一大清一統志與列女傳

楊氏張裕妻龍華人後至元三年丁丑彗星見訛言采童男女時楊年十三歲卽贅張十五歲生一女十七歲夫亡守節五十餘年食淡茹素寢處一室明洪武初王逢經其故居有詩云十七孀居亂幾更隔溪聞得紡車聲卻思臣妾書行卷不獨南朝謝道清

府志作至正誤

胡氏陳村姚某妻年十八而嫁生兒未周歲夫亡族賂隣婦

結富家婚氏抱兒泣曰不獲從夫地下以有此兒耳尚乞生圖富貴耶族驅迫之乃歸依父母父母亦憐其少如夫黨言氏以死自矢竟完其節

右元節婦三人

劉氏

附李氏

教李揚州通判遠明女主簿李從吉妻年二十八夫

亡志不少二誨二女有法長妙貞贅唐文祥次妙堅贅沈源

仲皆二十餘歲夫亡與母相依各撫遺孤成立壽皆八十餘

西昌尹厚讓東黃黼武陵顧達作三節婦傳及詩歌傳於世

其墓在肇嘉浜北劉氏贈孺人

倪氏名妙貞漢成里孫思聰妻年二十五夫亡子益五歲倣

甫周晬氏哀毀骨立會父與弟相繼歿益復殤或諷改圖泣

以死誓侍母終老撫倣及弟之子絅成立存兩姓宗祀今屬青浦

湯氏名慧信龍華人通孝經列女傳適華亭鄧林林卒氏年二十五一女七歲族利其居迫使歸氏曰吾鄧家婦何歸乎族貿其居於巨室氏泣曰吾守夫骨與茲土共存亡奈何棄此欲自盡巨室義而去之尋自計曰族利吾財耳出家貲盡畀族人織紉以自給歲大水居荒野沮洳中時女已適富林曹姓操舟來迎不許請暫憩舟中亦不許曰吾守此六十餘年縱沒溺以從汝父於地下所甘心焉復何往其女方相牽未捨水至竟溺死年九十三見明史及大清一統志

俞氏

附女任氏

名淑安新江鄉人任士中妻年二十夫亡姑先歿

任氏

翁宦遠方家貧斷髮矢守撫五月孤成立女適俞邦用亦早

寡或說之改嫁曰吾嫁誰奉俞祀且辱吾母乃歸與母同居

洪武中詔旌其所居曰雙節之門

見

大清一統志

及通志今屬青浦



胡氏名淑貞山宗海妻永樂十年夫亡氏年二十七守節天  
順初旌表建坊縣東錢溥誌其墓

唐氏

附子婦侯氏

名淑清蔡倫妻年二十四夫亡孝事翁姑撫子

式堅娶侯昱女名淑潤亦早寡撫遺腹子經補諸生又卒姑  
婦同心矢守人稱雙節成化三年詔旌

郁氏名淑貞孔瑜妻湖廣副使文博女瑜死於寇氏年二十  
五守節宏治九年知縣劉琬詳旌

李氏沈璠妻年二十六夫亡撫子女成人始終一節宏治辛  
亥詔旌其門

陸氏名蓮青龍鎮茅瓊妻年十九夫亡撫二子震霆勤紡織  
養翁姑隣婦罕見其面亦辛亥旌

康氏張掖妻掖督運至常州遭疾卒氏年二十一荼苦萬狀

撫遺腹子成立刑部郎中周佩表其墓

以上六人見通志

張氏名善才漢成里金復妻年二十三夫亡事翁撫六歲孤

壽成立舉動以禮守節五十餘年鄉族稱之

談氏嚴泰妻泰客死氏年十九無子而貧飲苦茹淡以養翁姑五十餘年未嘗見齒宗族欲爲請旌氏曰吾始願不及此但盡吾心耳沈思爲之傳

戚氏王瑾妻高昌鄉人

胡氏陳伯昂妻

何氏陳彬妻唐

行人

今屬青浦

雷氏陸宗黼妻唐行人

王氏張欽妻三林里

人

陳氏董瑜妻長人鄉人

許氏蔡金妻華亭人

以上七人見舊志

行履不詳

蔡氏諸生沈露妻年二十六夫亡求死者數四念姑年老二子未離襁褓强起事姑撫子辛勤四十年如一日嘉靖間巡



按尚維持上其事詔旌其門曰貞節建坊城內今廢

見通志

朱氏

附秦氏某氏陳氏胡氏張氏

本姓王幼育於朱蒙其姓名妙真莊銓

妻婚五載夫亡子世忠甫三歲翁姑欲奪其志氏泣曰昔陰

瑜妻以尸還陰尚病不早決吾當死莊氏戶內耳乃止後子

姓二十餘人壽至八十六嘉靖時巡按饒天民廉得之卽與

顧嶽妻秦氏山禧妻某氏曹電妻陳氏姚佐妻胡氏四節婦

並聞下禮部會倭亂而寢又有張氏者曹電之嫂亦早寡與

陳氏娉娣相依以雙節著

見潘恩集曹電舊志作曹雷從潘集正

曹氏監生黃學孟妻都事龍泉女年二十六夫亡守節年至

八十郡邑旌其門

陸氏潘蕩里廩生陳無逸妻年二十三夫亡撫子世蕃入泮

又歿守節五十六年萬厯初青令屠隆旌之

今屬青浦



張氏

附趙氏

十九保秦璽妻趙氏璽弟環妻環病革囑兄曰婦

年止二十二我死祇作一壙可耳趙聞遂自經家人救免復

截髮見志迨環死璽相繼死妻張氏與趙同守學使耿定向

巡按邵陞並旌之

今屬南匯

談氏父衢州推官承儒無子以女贅張伯深年二十二而寡

翁姑授之產遜與伯叔及父歿族人奪其遺田或謂當訟之

官曰吾少不踰閭閻乃以爭產故忍恥向公庭乎守節四十

三年學使耿定向巡按劉曰睿交旌之

沈氏瞿霆孫繼武妻年二十一夫亡無子而貧事後姑守節

五十五年學使耿定向旌之

唐氏杜時官妻年二十三夫亡無子撫伯氏子宗彝爲嗣孝

養其姑杜少服賈旣歿賈事廢家曰貧厯三十餘年遇歲大

視者三氏操愈勵宋南華傳其事士大夫題詠成集曰楓閨白璧以宗彝仕贈孺人

陸氏華亭徐從教妻徐避倭吳興鬱不得志子益孫頗幼慧徐撫歎悲詠旣而促客談若訣者客去面壁西向逝氏奉姑挈子女還葬訖嚴課子及贅壻彭汝讓皆成名守節七十六年太倉王錫爵有文述其事

沈氏庠生顧從仁妻布政恩女年二十五夫亡值倭亂艱苦撫孤九敘成立守節二十六年學使耿定向旌之

尹氏贈大學士徐緒妻年三十一夫亡子思誠方六歲會遭倭亂避難者四年寇平乃延師課子萬厯間巡按徐元特旌其間年至八十孫光啟貴嘗曰藉六七十年中無大母徐其泯矣贈一品夫人

張氏王墀妻隆慶己巳夫亡守節萬厯甲辰督撫旌以貞節  
流芳額

金氏新場張問仁妻夫亡矢守苦節撫孤萬厯間建坊新場

後遷利濟橋南

見通志今屬南匯

金氏葛鈿妻年二十二夫亡旦暮泣血結成心疾營葬兩代

如禮人無間言萬厯九年旌

見通志

沈氏喬承宗妻萬厯二十九年巡按馬某給額

蔣氏李應曙妻性中曾孫女在室時曾割股愈母病年二十

七夫亡守節幾五十年子瓚孫良翰俱諸生

胡氏諸生姚煒妻夫亡矢守天啟元年巡按趙紱題其門曰

節重千秋

唐氏

附子婦李氏

何三德妻年三十夫亡撫長子萬化成進士疏

母節以聞奉旌後官至提學副使封恭人次子萬仭亦早世

婦李氏侍姑同守崇禎時詔建雙節坊

見通志

劉氏顧可大妻年二十六夫亡時有倭警村民逃避氏獨守

夫棺不去苦節二十七年子國縉官按察副使上疏陳情天

啟二年詔旌建坊日暉橋贈恭人

見通志

顧氏孫可久妻年二十一夫亡守節壽至九十一天啟四年

巡按張文熙題請建坊

徐氏監生艾廷槐妻年二十五夫亡守節雖家門貴盛茹苦

撫孤置祀田育遺嬰周卹親黨年至七十七

杜氏瓦屑墩張寵繼妻撫前室二子守節三十餘年崇禎間

有司旌之季子婦劉見孝婦

今屬南匯

張氏五竈閔元樞妻年二十九夫亡撫孤守節年至八十

今屬

南匯

姚氏孫可進妻年二十九夫亡守節壽至八十七崇禎時按

察使凌義渠旌之

陶氏周浦夏復初妻年二十七夫亡撫孤守節遺田數畝躬耕以養翁姑崇禎十四年旱蝗獨不入其田翁病思羊羹解衣供之無以禦寒不顧也子益業醫乃課孫潤力學知名黌

序壽至八十九

今屬南匯

郁氏秦玠妻玠生子日昌未幾入京遇盜死氏年二十二後母弟爭產構難又值倭亂氏以隻身周旋其間堅忍守節撫教一子四孫皆補諸生壽至九十二歲

見通志

張氏湯侍泉妻年十九夫亡兄公逼之嫁氏以死拒事姑教子守節四十五年



儲氏

附子婦顧氏

八竈施龍妻年二十三夫亡事翁姑撫三月孤

敬萱成立敬萱妻顧氏亦年未三十而寡事孀姑撫孤國安

守節五十一年郡邑旌之

今屬南匯

王氏奚養元妻年二十七夫亡守節壽至八十七歲

曹氏居順宇妻年二十九夫亡守節壽至九十二預知死期

沐浴更衣集三黨永訣而逝

吳氏新場監生葉紹龍妻年二十二夫亡撫嗣子逢源教養

備至守節四十年

施氏諸生華一鳴妻嫁甫一月夫亡毀容矢守力營兩世窀

穸苦節四十六年

陸氏儲重美妻年二十五夫亡事翁姑舉八喪嚴訓子國楨

孫才俱力學知名守節四十九年

見通志

蔡氏徐儼妻年二十六夫亡茹苦守節三十五年

余氏

附子婦余氏孫婦程氏女朱氏

朱敬竹妻年二十七夫亡遺二子

一女遭外侮挈孤嫻冤得雪茹苦守節五十年長子光祖以

哀毀卒妻亦余氏撫子之孺又早世妻程氏矢以身殉姑泣

諭止之乃撫兩歲孤士煥成名光祖妹適余朝聖女適余泰

宥皆年未三十而寡歸依母家其守朱氏一門五節三代同

居未嘗析產人稱節義云

高氏

附吳氏

朱世榮妻吳氏世卿妻皆年未三十夫亡妯娌同

守撫孤成立臺使邑令旌之

王氏廩生蔣鳳毛妻年二十一夫亡孝事翁姑守節五十餘

年崇禎時旌

張氏諸生朱在瀛妻年二十夫亡撫孤與梓布衣蔬食坐臥



慈雲樓足跡未嘗履地守節四十二年

汪氏舉人陳肇元妻肇元榜名元珙蒙外祖姓張領鄉薦入都疏復原姓張怒欲逐汪出汪待張益厚張亦尋悟未幾夫卒汪事姑教子紡織自給守節四十餘年子裕諸生有孝行多著述歿後私謚孝介

閔氏新場諸生葉龍光妻年二十八夫亡守節事翁姑撫諸子喪葬如禮壽至八十五郡邑旌其門

潘氏諸振兮妻年十七夫亡無子翁姑憐其少諷令改適以死自矢守節三十七年

施氏徐維生妻年十九夫亡翁姑貧且老族謀奪其志氏截髮剗面并斷一指以自矢勤紡織葬三喪有數白鶴繞墓悲鳴三晝夜明季亂民焚劫指氏廬曰此節婦居引去教子成

立守節四十四年邑令旌之

王氏

附妻唐氏

周浦朱可忠妻年二十九夫亡妾唐氏年十九生

子家宰甫周晬王悲子孤露而妾年少唐嚙指矢守有遠宗

壽牛謀吞遺產潛伏突入引鐵擊兒首唐捍之臂幾折王白

於邑宰劉重懲之乃築重垣環屋塞中門以防之王守節二

十九年唐守節四十九年曾孫鑑成

國朝進士

陳氏何尚仁妻年二十六夫亡守節早耕夜織舉三喪完子

女婚嫁課孫士璿補諸生壽至七十三

徐氏諸生閔棧妻年二十四夫亡將殉家人以存孤義重勸

止撫子峻成名官兵部主事守節三十六年

國朝康熙六

年以孫瑋貴

贈宜人曾孫望舉人

王氏周浦高維岳繼妻夫亡茹苦矢守撫孤成立孫廷亮